



知非堂藁卷之四

七言古詩

臨川何中太虛著

後學孫東菴何賤雅言編集

趙郡管時中校正

與甘東溪

風吹嶽倒黃河傾漢家老死飛將軍洛陽宮門銅駝哭
聲過盡南征雲忽、五馬歸何處吳山楚水相吞吐英雄
豪傑咲殺人新亭揮淚中流語佳人別去吳王臺空餘舊
曲令人哀往時射策談江北夷甫諸人安在哉春風吹老
千桃李短笛淒絃風雨裏荷衣蕙帶謾逍遙杜若洲鴈聲

起君不學少年快馬曹景宗步逐狡兔鬪強弓君不能少
游段君鄉曲得稱善人 何悲辛強把哀吟

感鬼神高堂夢斷行雲杳雙蛾翠黛為誰春垂楊雪落江
南暮江花江草蛛 露人生何處無知心背人鴻鵠雙飛
去為君起 我歌古來賢聖良蹉跎區、離合若為動
羅敷陌上感慨多山中仙人最高潔不比常人夙葷血願
君舉似徑取詩今古何曾異明月 徑取有山中仙人歌東溪常
之故及

漢宮春

君不見漢宮六、多佳處霧花半染雲裾翠少翁招得
魂孤鸞夜啼月波墜趙家姊妹專風流雙蛾不識人生

容並蒂歌一朵西飛青鳥徒離憂飛龍翻、上天去
雲幕椒房土花雨墮膩埋胭恨未消香魂尚寄寒莖舞人
間炎日焦衆芳肯隨葵藿未傾陽柔情幽怨透地脉烟幃
家冥疆成粧誰吹舊曲綠雲切寸心婉、應愁絕綠羅幾
疊御賜衣紅綃半點守宮血淒了媚臉栖餘妍遙憶羊車
望幸年至今一片巫山雨化為飛烟空潛然故家陵苑孤
雲外綠樹如雲草如海殷勤唯有虞美人同向墻陰弄晴
霽

春怨

洛人傾國賞牡丹東家繡轂西家園黃鸝紫燕新得意柔

雲如酥花迷魂遊人寐：歸何處花亦年，占風雨江南
却遇李龜年蘇州空感楊開府誰吹玉笛斷人腸斜橋淺
淺流水香惟有千年老銅狄看盡人間幾夕陽
天女手剪五色雲鞭雷控電行青春散作江南萬錦綉燭
龍眩轉空無塵燕兒眼寒心更苦吳娃情酣夢無據依然
錦繡化為雲却恨風來扶雲去十二樓邊芳草多知今鸚
鵡聽誰歌千金買取新豐酒地久天長耐樂何

讀羅時翁燕山行稟

去年送君萬里行英雄氣富乾坤負今年君歸未會面燕
山行卷驚倒人我從江南想江北八陵草暗孤雲白夜窓

灯火讀君詩一段奇愁貫地脉燕山，水負雄奇千五百
年君有期荆卿等輩了不見咄，怪事令人悲黃河西來
走東注太行山高壓中土河山壯觀帝王州萬雉城荒土
花雨宣和玉輦去無蹤蕭條艮岳搖秋風東霸城邊見銅
狄廣武戰處思英雄天地空荒形勝老兒女終身不能到
北征詩後斷無人騎驢獨向長安道長安道上新豐徒恠
此却與南人殊天下久無快意客此客乃尔雄牙鬚即事
非今亦非古牛鬼蛇神萬妖舞千里萬里種奇語要與嵩
葉爭步武人間官不直一錢歸來添得詩一編堂上稱觴
拜親壽膝下讀書忘歲年要狂即狂已即已丈夫做事當

如此何由相見共君談寄詩問訊聊復尔我今山中一處
子滄洲滄洲天下士滄洲時翁自號

用歐陽文忠公神清洞韻題維士鼎所藏米元暉
神清洞圖

穎陽之山翠烟深仙人不見勞我心
藁峰峩、照空廓白雲欲飛石欲落
此中不着人間客採藥歸來花滿石
想當飛鳥墮層崖數聲清嘯驚瑤臺
山蒼々今在眼舉手招之殊未
來穎陽之山夜鶴飛仙人不見歸
何時神清之洞有幽客應向洞中
煮白石洞前岩下仙家春幾片落花
雜飛溜高下樓臺縹緲霞綠樹不
老青山壽王生刑子意殊

勤恨我隔此浮空塵安得碧雲千萬疊
栖此人間謫墮身

又

元暉昔作西江客夜飛墨花曉無跡
春風留此二百年幸是山中至人識
有千黃金雙白壁鵝溪白蠶纒數尺
穎陽山高風露寒幾處高堂掛生色

返曾子文靖節詩駐

一馬東浮南北分吳宮桃李春正暄
英雄慷慨有餘恨誓江直欲清中原
五山忽拔神仙宅長風吹轉銅駝陌
乾坤千古此哀新琵琶有聲言不得
當時縈損君黛眉意欲恤緯終投機
山能平地心非后賓王從此是緇衣
夜看五柳

先生傳長恨斯人不吾見難將逆裕追春秋此身不是甘
為賤千載東籬一世豪君今躡此清風高零陵哀憤從誰
語心不與契安知陶琴本無聲亦無趣悠然忘返中情寓
一編箋出許多愁耐何此世非劉裕杜陵正值落花天江
南人見李龜年傷君曲調空遼絕吞聲獨咽山中泉

中秋走筆

忽不知秋已中起來望蓋江之東天風吹土一片月萬
古有盡明無窮自歌自酌自起舞失喜墮在明光宮須臾
見雲不見月九州之外俱昏濛我狂絕叫天何聰乾坤如
此寧忽忽江流冥冥上有楓雲邊又叫南蜚鴻有酒且醉

無酒可有月不與無月同丈夫意氣見石裂直欲掃裂雲
皆空低徊一笑良自悟事與變會誰其逢仰看雲月勿復
道西風落山人睡覺

塞野縱目

讀書萬卷不經濟懶境最佳工坐睡手持綠玉信步行穿
破麥花到林際縈回空谷含幽光隱映深松發清吹北風
掠野牧者誰牛影參差霜草悴一牛閒卧意方安童子何
知鞭已至回頭一望盡天南高下千峰洒濃翠近村遠浦
合寒霏落木平林歸暮氣世工善畫貴逼真悠々真境誰
能契古來文車亦如此真處看來有深味競為幻語欲幻

人敢向人前辨醒醉歸來、勿為留幸有禽聲滕子沸
道傍湖中小白蓮花清香可愛野人名曰玉蓮
浮葉團、缺一角開花皎、玉新琢洛神湘妃不足倫太
白醉魂寄蕭索過客誰能知妙香春風竒稟勞陰陽可憐
有此白玉質謫在江南荇蓼行古來名花傾城國綠珠樓
下沉香北幽然更用世人看搖蕩平湖水天色

高困四時歌

春風東來汎幽谷出門一咲人間綠新雨池塘柳帶鶯嫩
雲洲渚沙眠犢一簑一笠東西村天高地下斯人存歸來
醒醉聊隨意翠樹無言花滿門

陽鳥炎、焦九土老農吁嗟氣如縷山中神化出移時一
片閑雲半溪雨誰家金谷有涼臺葵扇桃笙爭自媒清風
却在長松下不須用智不須才

楊柳磯頭天萬里長笛一聲風不起翠灑千峰日映烟清
涵雙澗霞通水季鷹底事却思歸豈是鱸魚輕別離晚知
尤悔又何益灣頭釣竿君好持

寒鴉萬點落葉赤山風蕭、野日白池上梅花俱有情林
間茅舍元無客人言梅花知歲寒花、偶然水雪間向來
群芳令欲盡蘭芽已動春將還

聞外雙宿紫玄洞天

閒招雙白鶴，駕我吹玉笙。去謁紫玄君，飛入青冥石。古
天風吹不剝，銀漢殘波崖畔落。萬年碧樹春長花，問弭
節聽天樂。戲拈北斗柄，細酌瑤露團。八面煙霞滄海曙，四
垂星月碧天寒。珊珊曉珮人間去，萬頃飛塵入揮塵。徜徉
九縣賣金丹，解后千秋人未度。

羅士從真一酒歌

大槽壓白流，醲泉小槽滴。紅血啼鶻多，誇妙味觴玳筵詎。
知毒留不可湔，工調錦瑟息華年。薰風阜民纜，五絃法吏
廉潔終申韓，閔睢麟趾意莫傳。岷峨之山米坡仙，鞭鸞駕
鳳嬉人寰。黼黻王度勲柱天，餘事與酒究本源。坡仙去

今幾年真一秘法空遺編，餘頑居士何曾頑。乾坤萬事俱
精研，冥叅真一忘蹄筌。高鳳麥塵霏玉鮮，淵明秫顆珠明
蠲。幽澗汲月分清漣，水火交濟陰陽全。三投釀令味溫妍，
甘芳周徹客流涎。杜儀足蹈舞九京，揚箴劉頌俱浪言。皂
隸八仙奴七賢，持澆朽骨應汗顏。東風吹綠花盈川，冷
鷺吭韻清圓。此時一酌神超然，至和氣象身周旋。頓挽淳
風追古先，如出無懷大庭前。回視鍤薄吁可憐，若真若一
初何難甘為弊法相牽纏。治道貴簡不貴煩，為君長歌真
一篇。

吐、喙、夥奇哉維摩引臂何方來忽而玄雲飛出老龍
黑黯鱗甲乃是皴、不剝之枯苔三極兩極鐵作髯十
點五點小者如珠大者如雪踈驚失正視似龍非龍
徐看畫得蜀苑吳仙梅、花江南童亦指點毫髮不
相似枰彈舌閃、燕山飛雪飛無時 貴梅一枝安
得鞵材二百五十匹煩君多 短幅 火室

贈陳仲實

春風吹空雨漠、

繞几簾不捲燕

子濕衣花草生客來
眼直睨傍無人醒我蕭條

數口疊、撐
不齊湏臾反

覆渠得知馬前之奴忽極品

貧中富賤

中貧金谷樓下花滿園不知仲蔚

印堆床

十九枚不知敗絮牛衣那得是子陳 還是

車如

流水馬如龍相逢好為細說少年行

寄題疎山寺半間禪房

往時汭沂盱母川李花陰、曾係船丰草沙草取幽徑扣
關一禮白雲禪千柱空廊絕人跡蒼苔亂點蜚紅妍松香
四襲翠滴雨江影半侵明暎烟鶴鶴流聲出岫谷輕霏忽
散風鏘然長哦欲寫不能就每寄清夢時周旋秋風吹空
客如仙名山有記持相傳迺知曇花解重現彈指一瞬五

百年經閣香臺雪幾春戲成小果留人天先師吾鄉白雲
寺卓錫尚令題榜鮮半間之半可着我呼童亟辦青行纏
身前舊境餘一念定許鄰舍香茅編

別高申伯

江南浩蕩春風滑信意南遊可竒絕神光直射瘴雲開陸
賈先聲到南粵南粵堠子一千六百里春風却在梅關裏
關頭飲罷卓錫泉前迎無限佳山水最好望韶亭上看三
十六峰太古之色拂天半恍若后夔騎鳳從天來帶得虞
廷九奏韶音回此時恍佛聞之應思虞舜不忍去唯有山
風海月相追陪舜峰之下韶陽廟伎心餒魂何足弔盧能

遠矣莫問曹溪禪湏陽峽裏不必聽妖猿直下廣州城中
去城中公卿多目賢賢官湏庠亦是官善事便長官無難
此心不與物俱轉三年偃息人已安著就新書不妨似陸
價若論功名正恐陸價出君下林門荔子海中魚瓦甌名
醞日沽千歲之棗安得長相寄人未時寄廣州書

送皮德昭之官武林

羨子才如渥注馬萬騎嘶風俱在下霜蹄如電不足飛天
上良星愁控靶如何不歸十二閑遠放江南沙草間一朝
駟入東吳去看錦繡舊江山故宮土花無點碧流杯流
水誰移得萬古乾坤萬古空英雄無淚可輕滴回首一百

六十年閑將議論當籌邊諸公何恃、江水解容偷渡舡
壁月無情瓊樹老遺恨滿腔不能道留連一曲後庭花待
得楊堅何草、海門自闢潮自來禮華樂葉候寒灰東風
漸搖堤畔柳臈雪欲挹湖邊悔平生欠作經行處羨子東
行問征路一官何用計宗庠好聽吳儂詫新句嗟我與子
如有緣相逢相別不期然龍杖堪騎定相訪馬塍花下酒
如川

郝思溫太字歌

號東山雪菴高弟

東山手提雪菴筆、中出此萬鈞力重如岱岳鎮坤維奇
如古鼎躍泗側點如滄海之碣石直如參天之古栢曲如

老龍恣盤拏橫如方城立鉄壁快如大澤斬蛇劍妖夔幻
魑易巨靈引指太華擎三千獅子座舉臂可移得偶

然揮毫世間壯士不能擲瘞鶴銘摩崖碑後來者誰、
繼之我嘗見龍溪之字大如箕五百年間無此奇雪菴老
東山子優鉢曇花重現世崑崙以為筆東溟以為硯青天
以為紙為我寫太平兩大字持獻天皇九、八十一萬歲
我歌尔字我老矣

題江南烟雨騎驢圖

風發、雨瀟、渡舡未度山相招騎驢不知前路遙、
抵何處南山之南且穩住莫向長安街上去京尹今無韓

吏部

送朱縣尉之官贛城

秋風吹船上重灘前茅未到聲先傳官能捕賊如捕鼠直
擣狡穴不一全上功得賞未此郡威摺獷悍皆服田城南
城北雨新足香稻滿野歌盈川衙空吏瘠弓刀廢尋常舊
業開芸編鬱孤臺高俯流水崆峒山碧迎寒烟張梨如盃
柿勝蜜美酒可飲不直錢茶山詩派有續者隨時唱和多
新篇聖朝無煩上封事第一莫學吳門仙方今儒臣易進
用九遷何用終三年

菊歌

山水之村沙路乾風清日美情閑、松陵公子好事者千
株異菊培庭間素娥天孫娛清夜從以群仙彩鳶跨畫
四天五色雲巧粧絕艷鬪新雅紅玉琢成深淺紅赤金抽
瓣金瓏瑤推冰妙手簇冰醞間以孔雀堆紫茸洛陽牡丹
枉嘉譜西園芍藥何足數造化工多良獨難逢花不賞將
何歡君當歌我當舞花亦欣、欲相語不須定限一日三
百杯不須腰鼓百面如春雷但願樽中長不竭諸公長在
花長開世換花、換世移根改色年、異一番花樣一番
奇看到伐毛洗髓幾番持

送程學士

洞庭之水銀河通
手提白筆行清風
歸來綠野按幽事
青山低昂馬影中
時從賓客娛泉石
不省麒麟誰第一
中使傳宣下九天
闕河秋光照飛馬
彤庭引見宮雲開
問卿安在
今肯來
映天顏喜百辟
在列俱首回
皇元經制宰九有
曾侍先皇討論久
登庸耆俊徵舊聞
宗社靈長自天祐
中書堂中庶務清
四方萬姓歌升平
應無事可商略
定見房杜藏功能
我從諸生立門下
別公敢把深衷鴈
子房衣著未足高
伊呂元年退身者
力竭忠嘉荅主知

此東南誰當續王庭石介頌
眎千萬祀無窮期

曾港行

西來天塹長大波
如山險莫當黃蘆
未花秋黍熟欲
平倉范十六年間
老師相格天勲業
伊周上儀真使客
襄陽將軍儘降將
西園價積鄙金伴
食光

禹趨雄法官清坐
高拱赤烏雍容衆
口瘖葛領祥烟籠
甲第吳姓理曲爭
新媚珊瑚枝邊酒
影春水晶簾外花香
醉主君千年萬年
甲光如水邊風寒
虛傳奇士畫三策
臨危諱病醫良難
古來何限韓擒虎
天馬如神解飛渡
出師拜表真孔明
不計九節度半間
堂前香掃塗閣中
諸客今何如前時
晉公魏公語今日
驩堯苗鯨書殘月
無情上陽曉木綿
破閩山道潮落潮
生人不歸陌上花

開幾番好

采石

樊公推亡不遺力虞公中興偶成績百年俯仰感慨多事
不天假終無益君不見李太白高才絕世何不直但令供
奉行醉墨倉卒纔為永王客萬里漂流夜郎謫人生有知
當自適飛絮浮雲本無得青山丘墓何足惜向來金鷲殿
日落狐鳴秋草碧

車碌

車碌、車上行入雪中宿三更驅驢聲陸續頓憾肝腸眩
心目霜稜飛刀風激鏃荒郵無烟炮空腹索駝不收馬成

簇暗裏低心避群牧望斷海光上東旭木末天低星煜

黃河道

黃河道漠、黃沙覆枯草依然南北兩空堤、上畊人長
業粟人心百計當若為古來河水今南移平原縣前好沽
酒車夫鞭驢莫回首

龍灣阻風次日舟人必行解舟風回喜賦

東風吹船行西風留船住蓬鬆黃頭郎作底使風去蘆蓬
兩扇當江開船、相趁風初回龍淵烟氣隔洲失宣化山
光隨棹來潮頭又上推船走一時便過新河口兩人勝負
蓬底棋船行遲速人不知黃頭郎穩扶柁信風宿大信肉

色花枝紅采石酒波春水綠
長風沙酒旗斜風沙有情留郎住
勸郎莫向前江去前江
去轉風波牛渚圻邊須過得
皇天蕩秉奈郎何郎船但係
門前柳唱曲好歌勸郎酒與郎
不是平生親憐郎却願郎
長久郎今必去當何為教郎解
有思人時

山碕

山碕石碕一灘翻下一灘惡
青衫黃帽扶招竿鋸鋒
如戟波心攢打漿失手能盪過
扶竿失眠船隨破三山城
中女如花高樓酒賤多魚鮓
荔枝林中尋屋住上灘難轉

莫歸去

冲虚宮景真堂

怡山東麓堂靜深欲尋真
景真難尋華鐘時發頁明韻
秀未遮懸天監陰
天風颺吹余髮戲縮幽藤作條
腕騎鳳簫驚烏石雲降龍劍照古山月丹壚藥竈長周旋
六時采擷三芝鮮蓬萊書札失幽約幾度歸潮深碧烟

丫娘園

丫娘園西禪寺裏粥鼓鳴殿前殿後荔枝密葉落當掃草
久生衣裙潔峭苔鋤輕戲將苔石閑敲鏗廊陰同伴咲相
謔話字難通知有情紺園花香日易晚行童遲打昏鐘聲

古秋夜長晴雨二首

壁帶懸素琴衝牙起瑤林月寒文甃百虫語簾外桂花香
雪深繡茵暗輟雙龍枕紋笥密收團鳳錦西隣少婦笑齊
眉寶帳芙蓉携醉歸獨自佳期長是誤璿霜欲下雁驚飛
又

雲浪流碧虛兩花散前除西風紅葉石欄曲盡併寒聲歸
綺疏回文續罷雙蛾歛城上啼鳥稀漏點東家嬌小乍迎
郎沉水銀篝殘晚粧灯裏鏡臺閑自照紅顏相似夜偏長

題盧鴻十志圖

崖欲脫峰欲飛水洒洒烟熹熹石間老樹不老色翳蘿懸

陰石入黑調琴未了趣觀泉十處竒踪日相迫紫虛萬里
丹霞開直上倒景之高臺佳雲好花滿嵩少仙友為我今
歸來莫嫌登山脚曾踏東都路姚崇宋璟可人故不然豈
肯容易出山去

擬峴臺

擬峴臺山如盃樹如苔臺前東風花亂開流雲藏雨花間
米花根得雨新綠催花枝隨雨成香泥神工鞭策不停手
七尺容形爭好醜相林領頭木香酒百錢一錢當酤否

雪中度崇仁望仙峰

游樂之溪清可泓天風剡山盤愈行愈深愈幽邃疑

有仙者棲神丹椽木怪藤鳥鳴峇綠潭青壁龍嬉蟠裴回
賞愛不能已步：駐目搖荒寒：雲平凝帶惟安急霰亂
下珠璣完忽而兩崖蒼：散花雪板橋石路浮雲乾交迎
密撲迷欲眩怯下疑高行自難凭澗茅房所居雅叩門烟
火相依安澄渟夜氣造寧極嬰冒曉凍追殊觀忍觸瓏璫
縱健踏喜聆環朗藏鳴湍垂絙不動偃杉竹懸柱偶脫爭
崑崙前源未窮取危磴直上百折陵嶺屹新爪痕：過飢
虎高翰葉：遊飛鳶俄然獨立倚霄漢波濤翻海鎔銀寬
双瞳四徹洞萬境肯與塵界循憂端蹇余看雪知幾處
何如此時望仙峰上看仙之人兮未不未浩：元氣與我

同朝殮

題五馬獵歸圖

秋野肅：秋草萎：天空鴈度呼鷹時一馬前行四馬隨
前者回顧相指揮最後兩人俱下馬一人拱手俯聽之一
人拏麀毛色肥角弓在弦箭在房人馬意態何遲：知從
底處射獵歸莫是營州少年并州兒閑中貌此知為誰筆
力精徑妙莫窺我疑此畫有似汲塚古書出蠹簡殘逸有
缺遺不湏完足自可寶古人日遠何由追嗚呼古人日遠
何由追

黃氏南園歌

南園花南園花白於雪紅於霞深處定有仙人家花陰亂
駐七香車山香儘舞花不老花艷直上搖金鴉瓊膏一吸
香入骨醉呵金鴉不令斜南園竹南園竹寒於冰綠於玉
割得何天土一丘炎官雖炎誰敢酷天山太古雪皎皎蓬
萊絕境風蕭蕭白鶴翻空啼一聲下占清陰對棋局君不
見古南園錦茵紅皺琵琶弦珊瑚碧樹沉水烟嘉賓列坐
鼓咽白石詩句吟成編放翁記文筆如椽挾策博塞若
為賢撫掌一笑睨青天不如花竹之間汲清泉且取粟粒
香芽煎

題五公寺壁畫古栢

坡陀堆厖挺雙栢樣牙直上不可計尋尺元氣所融結通
身是骨力醜怪形狀古黯色作柱擎天等閑事世間萬木
俱難敵栢根水流滔鼓舞風雷吞吐日月使年惟有雙
栢牢萬牛回首叅天高看得孔明事業如鴻毛

由宝塘舟行至臨汝

盧鴻十志看不足愛雪貪行雪相逐晴風吹散北山寒三
十六陂水初綠黃洲擎得旱蓬舡松筠繚遶烟成淵陂聲
疊下灘聲惡鮑照却歌行路難

山中樂效歐陽公

東方風回春山道趁暖行歌霽華泉溪源露歇蓬藥苗石

徑烟輕撥芝草紅英洒地燕將乳綠樹添陰鶯未老入簷
魚鰕朝赴饌項筐笋蕨夕供芼山中之樂誰得知我獨知
之來何為水竹沙頭閑檢校村、簫鼓太平時

堤柳綠搖新罨畫石榴紅摺嬌裙袂蓮蕩風閑翡翠歌菱
塘雨定鴛鴦下溪女浣紗朝出村行官飲水暮歸舍瓦瓶
手挈隔年醅石不生團明月夜山中之樂誰得知我獨知
之來何為空裏烏蟾飛影過桑麻課效勝書惟

空山一夜生新雨涼起賞心千萬緒扇團自守不依人桐
葉知幾尋脫路隔隴笑談雜樵牧臨流宿後惟鷗鷺旋庖
蘆蕨美勝酥精浙新粳香滿戶山中之樂誰得知我獨知

之來何為青林紅樹人烟濕護得金橙密處垂

千花重作陽春節野杏山桃隨處發莫思前度看花誰已
見新墳芳草歇穆山、下數灣月華山、崖千丈雪幽人
獨在雪月中要與梅花成四絕山中之樂誰得知我獨知
之來何為除却山家新臘醞世間無事可相宜

龍霧洲

時大王有南行者

龍霧洲水油、中有驛馳南越舟庾嶺瘴天雲不收直到
海邊天盡頭天盡頭海茫茫、金珠璀璨平斗量鴻毛性命
此難忘檻車何事招巫陽不如回鴈峯前鴈、門舊侶年
年見

陵山館辭

陵山兮蒼々，仙之人兮何鄉。邇余陟兮巘嶽，援碧藟兮不
迴以遠。草靡兮葉續，順下方兮凝翠。氛幽館兮倚樞，
待來不來兮杳空。碧七鶴駕兮曷追，渺余懷兮陴側。燁三
秀兮潔餐，羗靜貯兮陵山。挹太清兮撫元極，聊逍遙兮永
終日。

知非堂稟卷之五

七言律詩

臨川何中太虛著

後學

孫何賤雅言編集

趙郡管時中校正

與胡山村

九萬風高力控搏，偶然倦翼墮塵寰。閑聞說到乾坤外，知
已誰當伯仲間。何地可堪容一榻，亂雲相隔失三山。方來
亦有無窮在，未必先生可得閑。

平生再拜一何難，昉得陪從杖屨歡。大節熟聞諸父語，高
風還許後生看。茶邊道義松風畫，酒外興亡竹雨寒。別去

幾時能聽法秋深桂馥重凭欄

送李仲章遠遊

風笛無聲笑指空出門誰得更求通
一帆千里客何遠王氣雄圖江自東
赤壁驚鳥飛夜月衡陽看雁落秋風人間
興廢不須問詩在江潭柳影中

秋懷

萬壑東歸晝夜流人間自是本無愁
不悲白骨塌秋井尚恨華屋歸山丘
此事直須一杯酒只今何用萬里侯
明朝且可尋黃獨何鍾往往西山秋
采蘋花可佩香依橘柚未全黃
人行塞北非征戍鴈

過江南有稻梁短笛疎鐘未別浦
亂鴉飛鷺共斜陽西風擾擾如何似
看見黃花滿地霜

歲菊

黃玉為裝好自修天寒身被翠雲裘
直於歲暮標明節那向人間立晚秋
湘澤忠臣終戀楚柴桑處士不歸劉
謾將二老閑題品寒照疎籬一片愁

除夜

身外須知總是空書生何處覓窮通
自緣一歲今宵盡獨坐殘更數刻中
學有淺深心勿畫詩無今古句難工
不知春到池塘未一夜簷間花信風

閱穆陵丙辰御賜進士詩

後代忠臣擢丙辰穆陵魂斷北征人
長江浩氣傾吳越九野荒、嘯鬼神
鷁血縱乾難返蜀鳥頭未改竟留秦
琵琶絕域千年恨青塚黃雲不識春

大水

漠、陰寒寂、秋濁波如屋蔽空浮聚
灰莫試媧皇手嚼石虛存精衛謀
逝矣棟梁歸大壑纍然盆盎塞中流
鷓鴣聲苦行人斷且向江南具小舟

雨中

雨滿寒空風滿林閉門十日自悲吟
不知補衣捉誰語尚

許傾陽見寸心書史軒窗雲氣潤
蕙蘭溪徑蘼花深好風為我吹晴
未欲釣清溪坐柳陰

炎夏如秋氣已遷老天奇變亦多端
山橫北牖陰雲令人對南山暮雨寒
江海窮居無米易古今適意得詩難
出花落盡幽禽語坐看千林擁翠瀾

八月二十八日

黃竹哀歌世偶傳佳期應待後千年
曲江宮外看蒲柳凝碧池邊聽管絃
古往今來人化鶴天長地久帝為鷓
蓬萊水淺應聞似徐福歸舟已失仙

夜立

冥、無復辨秋毫。天映諸峰湧，翠濤萬里明。河流眼去三
更獨雁倚風高，南隣締絡秋難貸，隔舍歌呼夜更豪。只有
殷勤木上生，共聽枯葉響蕭騷。

臨川道中

路隨一水曳長烟，秋入重雲擁亂山。過眼向來華屋處，寸
心不挽盛時還。紛、世故行人亂漠、林霏白鷺閑。忽遇
長空飛驟雨，春泉一派落松間。

穆山書事

樛虫三百有六十，其長相殘更斷魂。細與漁樵商世事，獨
尋梵剎到松根。蟬鳴晚日濃時，樹鴉落秋烟淡處，村雞覓

飛車遊海外，直隨藜杖信乾坤。

晚步

歡通常看好景，稠悲吟偏覺滿空。愁碧雲忽作紅霞，合翠
靄俄成紫氣。浮筇緊山城，鴉翅亂人歸江路。馬聲道老天
道我多奇變，着在江南澤國秋。

曉晴

雨意將闌天自休，細穿詰曲聽鉤輶。千山欲曙微霞吐，萬
木含春濕翠浮。孤塔遠知城尚近，空江猶似古來流。遠汀
花落白於雪，掠地風來嚴似秋。

孺子亭

先生不是早知機，所恨諸賢喜有為。
共立名稱空自異，竟成朋黨寂堪悲。
當時僅許陳蕃識，此意只應梅福知。
亦見祠邊丞相宅，滿牆幽草綠參差。

登滕王閣

洪崖山前樹歷々，石頭渡上烟溟々。
龍分片雨過秋水，鷗倚西風窺斷城。
吏部文章餘簡冊，前王名姓老圖經。
登臨已費三十載，草々忽令詩句成。

次韻彭希爽吳景傳約遊穆山

穆山祇在白雲隈，壁石為門任去來。
兩澗寒聲通法席，數峰秋影上香臺。
林藏僧梵含風遠，嶺隔山樵戴月回。
此地

能令高興別中秋，又近桂方開。

興化軍冲虛宮贈陳虛一尊師

兀々山林棲遯身，洞天深處振行塵。
客如神放豈樵者，師似彌明非世人。
丹水汲餘山月淡，異書評就海花新。
他時說着相逢事，皇慶行天第二春。

舟中

踈立去帆波渺々，深籠寒靄樹稀々。
象牙潭上風初急，龍霧洲前雷亂飛。
山掩孤鐘分響到，沙盤數雁逐行歸。
彫房熾炭行時令，河舫癡漁擁斷磯。

黃氏石闌

此地何年石作闌石稜不共鮮花利四時勝日圍芳草一
塢春風護牡丹洛社賞心遺記在善和先志舊書完明年
一鷄清秋上文石班高萬目看

諭仲本詩集

鮫室成綃別是機向人定價每疑非寒通海底珊瑚樹秋
漾天邊寶劍輝虎忍含風蒼洞遠鳶笙戴月碧雲稀幾回
剪盡西窓燭又聽山鐘數杵飛

次雪溪上人秋興韻

靈峰寺裏講時茶啜處銅鑪一篆嘉揮塵微言穿漠渟題
韻趁車斜風回過雁松移影烟隱寒鐘柱重花祇有

新吟猶習氣自餘諸事繫今華

答清江皮季賢見寄

古人千里夢相求咫尺翻增隔絕愁雲護牋題醒處墨雨
深樹色綠邊樓文章正法追前哲句律新功卻俗流為問
幾時談到劇壽楓南畔菊花秋

送族弟元迪

老去逢人怯送行弟兄分手若為情明時難便高才隱為
客當今遠業成桂嶺寒烟通郢樹道遙夜雨入彭城明朝
便自堪回首不待秋風過鴈聲

寄詹正之

幾驛相望兩鬢華書題不寄鴈行斜但今天下稱知己可
為江南故憶家樂毅臺空烟在樹魯連城圮雨殘花燕齊
勝事多收拾定有新詩處 嘉

觀除日有感寄皮德昭

偶傳除日到幽窓坐對撐犁事滿腔知是乘桴欲浮海如
何陋巷間為邦一庭月冷鷺秋照三寺鐘聲接遠撞聽罷
無眠閑憶得反心底用安心降

贈直心苦口道人

涼氣將深暑氣收芳華零落思悠悠道人心口如神驗我
輩窮通與道侔鶴為乘軒能致妬馬因立伏却招尤世間

只有閑鷗鷺野水如天得自由

無題

鴉尋流水遠村迷雁失寒菰落渚遲老杜舊傳餐玉法

遷新睹采薇詩譚空漸入皆空境觀物寧非閑物時閑憶
年々溪上路梅花開遍向南枝

舟中次涂雲章韻

久矣生忘如子微元非強學介之推良工未肯棄樗散新
學何為迎壁師山路雪深聯轡穩江流風淡落船遲此時
此景周旋好長遺閒中費夢思

題崔伯明詩卷

海底珊瑚不易收，俄然在手醒雙眸。媧皇煉石天無罅，織女機絲月共秋。一草作花生自別，三年刻楮巧堪羞。客窗燈影誰為伴，雨響空欄徹夜流。

壽黃希尹

壽星移次東禪近，甘雨生涼晚梵宜。心地平，真活佛書鄉郁，有佳兒春濃寶樹開。花處日麗丹砂擲，米時知是文吳俱不老。三神山碧酒盈卮。

送郭竹堂赴南臺

聖代人英第一流，霜臺粉省摠優游。我知陳阮誰爭長，人說皋夔可與侔。願作良臣安用激，親逢治世更須憂。六朝

形勢江山在，且與諸公共唱酬。

題皮季武所抄吳草廬周栖梧孫少初皮季賢四

十年前閣皂碧崖聯句後

皂嶺清遊記昔年，彌時傑句儘難聯。公如樂正超諸友，我似延年咏五賢。自古高才須蓋代，無前偉績定由天。世間何限經綸手，獨立蒼茫意不傳。

卷諭仲本

閑身未必受人羈，為要携書教阿宜。素學日從前哲究，此心偏與古人知。由然柳下聊同俗，若矣徐娘已背時。只道莫雲無用處，彩霞五色照天奇。

答胡器之

記和車斜四韻詩誰期此別許多時但逢來客長相問每
向無人又入思心在不知身各老語深偏許策同枝空雲
聚散悠、者底用閑愁掛一絲

贈丁教諭

夫容仙客果能仙百事精通不第閒未入漢庭陳奏牘先
從周制作醫官緩尋芳草多請藥咲指遙岑便說山已得
一吾人印可更求仗語與誰看

題陳達觀浪吟集

語淺遙知人意深仰難

俯難臨緱山駕鶴月千頃虎

峽啼猿秋一襟斗極光寒天識劔閣城境絕客成琴馬蹄
飛電長安近直上鼇峰一萬尋

袁氏雙頭蓮

夫容菡萏冠詩騷一萼雙花少所遭周日夷齊清並峙堯
天巢許潔同高石丁可是神仙侶楚閨終為兒女曹卧雪
門庭宜著此露香霞艷映蘭皋

送達海提領

軍山下舊監州人物科場第一流千尺棟梁宜九室一
官朱墨費三秋甘泉侍從須楊子貞觀封章欠馬周從此
金門多應制新詩能寄故人不

次吳草廬花晨韻

我知居士病全安，難敵談鋒舌本乾。
花外偶迎風日美人間，已作畫圖看。
江行唱和今猶盛，東見追陪意更謙。
吟弄迢迢歸路好，廓然天宇似增寬。

再用韻答周昂霄

布襪青鞋試步安，徐披山徑野花乾。
可欣久別能相聚，便有新詩得細看。
七尺形容終解老，一時真契且交歡。
百年尚遠身長健，若比朝菌歲月寬。

送唐伯昌曹州迎親

步往迎親此役宜，五千里外快心期。
近曾讀律知名例，早

事通經識孝慈鉅，野天清緬帙穩長江。
風淡布帆遲企予，相待封溪上楓葉。
蘆花秋盡時

由清江赤城觀至寶塔寺莫歸樟鎮

自笑野人多野思，竝村隨處意閒閒。
赤城觀裏折丹桂，寶塔寺前迎晚山。
隔水歸樵分路散，衝嵐飛鳥認林還。
祇言十里街頭近，不計黃昏便掩關。

酬揭曼碩贈別

來日君還在我前，歸時我獨占君先。
冰寒斷道鳴駝外，雪暗空村落鴈邊。
盡省諸公扶日月，南州孤客記山川。
松聲多處黃精好，舉手青霞始學仙。

任城南

自愛清遊自愴神
五千里外獨歸身
馬嘶平野呼鷹吏
犬吠寒沙射鴈人
直北關山初合凍
近南氣候漸知春
蒼苔白石梅花落
長憶驅車魯水濱

魯橋發舟喜賦

幾驛荒程不候鷄
坐車和夢向南馳
纔辭薛國沿清泗
已指彭城望下邳
榆柳無情隨日變
風霜有力待人知
二王臺下船如織
誰薦香蘋酌一卮

沛縣上漢王項王二臺

秋夜獨立有懷

秋老谿貧獨夜時
印枝移偏響虫飛
山城鼓疊月生海
林

屋燈寒風動扉帶
靈關河人別久隔
天書札鴈未稀
忘情有難忘者黃葉
一庭霜滿衣

偶成

初啼山鳥篆香斜
荏苒明時翫歲華
三日雨深春在水
一林烟濕暖生花
尋盟舊卷鈎簾展
開禁新酷隔竹賒
却憶去年歸漸近
半蓬殘雪上寒沙

壬子元夕

市人啼倦鴉
常年歌吹稍喧譁
夜風十里滅燈影
春雪一林寒杏花
凍潭漸深絨蟄戶
新灘微壯奪鷗沙
西林樵客同爐炭
閑試香芳品薺茶

陳虛一尊師山房雨後

一片閒心倚石壇，千峰白背碧當軒。
海門雨氣懸虹影，洞府香風架鶴言。
絕艷槿花深映戶，生紅荔子密圍村。
早知千里移家近，久辨黃岡十畝園。
黃岡多荔枝

寄鄉信

謠俗僞荒越下州，西風孤旅倦悠悠。
酒壚女靜花落樹，魚市人歸潮滿溝。
鄉夢頻經關上月，書題分寄海邊秋。
已期待臘西村畔，春在梅花雪映洲。

種菊久客遂雨蕪蔓扶植成詩

執菊幽灣種，殊偶然。久客遂秋蕪，旋栽竹朶扶枝儻。頻

汲泉花救本，枯曉露漸寒。覘綻否夜風微，動覺香無幾。多名品人應識，倘有良工入畫圖。

得家信

俗尚難公不取諧，木陰深處玩蒼苔。
身拋世累終相着，心怯鄉書重一開。
極目雲天鴉陣黑，滿林風雨雁聲來。
平生最有看花癖，何處溪頭發早梅。

遇揭曼碩有贈

時特賜其父荀坡貞文先生奉勅立碑

十年相隔忽相見，猶記書題獨故人。
京闈詩傳多應制，里門碑建獨榮親。
梅花滿映林扉雪，柳眼初迎輦路春。
知是高情難去住，此身誰是自由身。

高郵新塗畝步作

松筠色潤翠成圍
鵝鴨聲多水漸肥
隔縣販人爭野路
迎年姹女試新衣
暖烟黃柳知春到
殘雪青山伴客歸
茅屋酒旗隨處有
悠、世事儘相違

黃籙醮

道真法力貫穹圻
炯、靈襟感應機
萬里東風人獨立
一天香霧鶴雙飛
瑤壇封事披雲徹
碧海遊仙戴月歸
格是廣寒新醮罷
夜來花雨打牕扉

元日

聖主龍飛肇紀元
野人相賀板扉前
不知顏色老昨日共

詫時光勝舊年
井口杏花春食雨
墻匡柳茁暖肥烟
長溝緩繞風漪綠
林下鳥捷漸受鞭

讀荆公集二首

古來遇合幾君臣
無奈生為對世身
大志本難酬遠業
諸公同是忌南人
風高碧漢孤翻翻
波蕩滄漠獨縱鱗
每恨孔明叅佐劣
費禕蔣琬儘難倫

持方試藥詭能醫
失着椎枰却付誰
東閣招延賓履散
彤庭撫問使車馳
蔣山舊宅僧堪託
白下新詩柳最知
宇宙茫茫、經世事
周官今又廢多時

寄智玉成

僧來能說近平安
密把陳編獨細看
每恨故人疎覲易
無情估客寄聲難
四窓人寂百虫語
千里夢回新鴈寒
心事書題俱草草
西山幾疊碧雲端

閻皂山福地

兩崖松竹綠蕭蕭
時聽岩陰響野樵
鶴信早歸題錄客
蜂房分綴鍊丹寮
晉時月在淦源淺
粵國雲通勾漏遙
仙馭肯忘僑鼎地
風笙清夜落璿霄

題墨梅

江北江南春又動
臘前臘後梅仍花
三點五點雪孕魄
一梢兩梢鉄擘桮
枯根健迸石色潤
半身倒偃溪流斜
逃禪

老人招不得
樹穴探環今是邪

題石橋

未許興公知此山
應真飛錫於其間
陰凝黑霓落半膝
夜凍銀河僵一灣
偃月光通空翠眩
回風聲靜雨花閑
山中仙人渺何許
去鶴三招殊未還

乙丑元日

村北村南笑語通
銅鑪香燼蠟燭融
寒雞四起野霜縞
清磬一聲天海紅
老大情懷無壯士
太平田里有東風
續經且避河汾手
只擬新桃亦未工

後正月廿六日有喜

縱橫亂帙翳山家且聽雙松啼乳鴉三日暖風生野色一
川酥雨入桃花木多山市無人問恩重綸音有客誇贏得
乘閒隨喜去溶溶春水遠平沙

鄒悅道哀詞

八憲九室失般倅善斷無人轉可悲曾就功名遭訖錄竟
將文字光明時門生定展王通學舊友誰成郭泰碑無限
哀悰歌不徹落花如雨暮雲低

自羅源泂溪尋梅得之喜賦

羅源渡畔野樵稀流水油引步遲曲塢深烟將淡處前
峰薄雪欲消時搓推鉄榦綠點梢拔氣條丹萼歌詠影

談香花定厭迎寒袖手倚踈籬

會吳學士于山水村

仙家山水鬱葱邊今日重來翰苑僊五百里間星象動一
千年外畫圖傳

晦菴畫於
聚星亭

寒泉會粹書還就敬簡賡酬句倍
鮮不待職方添記註門生語錄已成編

黃氏塵外亭

金華仙子與神謀別有乾坤作勝遊天外客來談太極洞
中日永對紋楸花香四合島霞曉笙響一飛山月秋誰道
蓬萊三萬里一壺元只在街頭

壽吳學士草廬八十

四朝加禮聘車勤又際龍飛沐異恩聖主執經常賜坐大
官承學盡趨門格天勲業身徐退平地神仙道愈尊春有
八千纜八十桃花紅嫩酒盈樽

題金石錄

即雲萍錄

胸中舒卷任閒情塵介何由置重輕虞子自知書可著伯
夷非待史為名碧雲一夕度歸鴈紅雨千林啼晚鷺聚散
偶然無足計世間甲子又新晴

贈墨者侯生

遠心每計百年寬壯事俄歸兩鬢班周鳳不鳴詩已廢魯
麟無迹史難刪寒陰十日雨花急長嘯一聲雲影還多謝

侯生墨如漆草堂無字可編爛

庚午上元

是年江西大飢

九野淒涼塊不招又知今夕是何宵叢祠月黑寒鷓聒山
市烟深臘月消遺事誰編傳舊俗夢華有記錄前朝一枝
柏燭熒然處香譜茶經共寂寥

楓坡即事

幾杯殘雪寄遙岑一舸輕嵐並曲潯暗氣貫山虹碧動暘
光著柳粉黃深衣裳眩路通隣里鼓笛粘燈聒社林左顧
右瞻忘費日老人態度少年心

黃養浩得水石山有詩自和索余同賦

壺中未識九華奇先讀坡公唱和詩天竺分峰應佛送仇
池通穴許仙窺拾時山靜雲相伴歸處家遙月共隨書史
軒窗多勝賞蕙蘭溪徑換幽規花邊汲井泉頻滌竹下安
盃几隱指百匝端相無喜四隣驚訝頗成疑家僮習懶
愁添約野客生貪點欲携已廢朝眠迎露立更疎晚講對
霞歌人言每事皆為累我謂高情未易知儘見蓬萊幾清
淺菖蒲遮莫待花遲

知非堂集卷之六

七言絕句

穆山

臨川何中太虛著



寒雲十里踏沙堤新鴈數聲心自悲不見悠悠官道上前
人已遠後人遲

舟夜

拓去蓬窗月滿襟蕭蕭驚雁墮哀音不知天意何倉卒數
疊寒雲萬里陰

訪曾士益

釀雪不成雲未闌樓危笛裂鴈聲殘江南江北梅花夢

入空山共苦寒

海棠

冥鴻嚙子錦川來
嬌柔紅無數
開花睡未醒
春未透半
空飛雨暗蒼苔

西嶼

野色山光儘可詩
倦來把定釣魚磯
晉成東去唐成晚
花信無風春自歸

即事

落紅瑟瑟疊蒼苔
古徑無人獨到來
野蝶山蜂渾不見
春風更許草花開

江行

悠：行客漸黃昏
隔浦人家已掩門
誰與飛漚遊海上
亂鴉無數下西村

雪

天風搖動玉京移
九野蒼茫竟大奇
老樹細觀猶似舊
好山何處不堪疑
我疑玄帝以鋪張
萬落千村入混茫
但得減租寬物役
何須如許壓遺蝗

前鋒飛霰決雲馳
後拒猙獰裂地吹
江上梅羞顏掩
玉崖邊松老鬢成絲

汲竇烹茶火未殘
敲詩多燭夜將闌
征鞍擾、江南北似
是梅花怨苦寒

清明

墟落無烟草樹昏
一樽蕭索酹殘春
吳陵晉廟栖風雨
那怪荒阡少祭人

夕陽

夕陽盡入笛聲中
兩岸樵漁一水通
楊柳已疎楓漸落
黃花渾未識秋風

昨夜

池蛙鼓吹已成癡
穴蟻侯王更自迷
昨夜孤窗何所似
三

更風雨五更雞

落葉

當春已惜片花飛
綠葉成陰事轉非
啼鳥喚驚人夢覺
秋風零落葉全稀

獨來

黃花自是最難開
待得開時我獨來
籬落不知天地晚
何人却採落英回

絕句

山似夫容向晚開
水如羅帶束林迴
世間只有閑鷗鷺
立盡寒空待我來

楊花

萬點楊花倚石開
千層棕葉下山來
諸峰窈窕深春綠
獨自衝烟看幾回

次史葯房池上即事韻

萬蕊蜚香百草芽
蘆旌不動柳陰斜
幽禽還識欄邊客
曾立東風丈外花

夏日偶成

香透池荷入戶生
靜如老宿不看經
一林深綠清風度
遍出玄蟬長短聲

登高

數峰高聳萬峰低
看到斜陽意欲迷
一朶碧雲深淺碧
殷勤只在數峰西

隨興

路轉林深杳未窮
林光盡處麥光通
長安花落朝三殿
曾有桑麻萬世功

紅雨送、綠漸深
萬年芳樹轉春陰
画梁幽谷誰輕重
鶯燕春覺自心

空香靜牡丹寒遠
笛聲沉恨未殘
寂寞繁華今古共
一溪晴雨倚闌干

對櫻桃

淡：春烟淡，風雨村。素柘翠相通。東皇太一功成去，熟
徧櫻桃一樹紅。

雨行
手決飛雲未易排。幸逢佳樹不相猜。數聲急櫓隔林去，一
陣歸鴻衝雨來。

秋原

稻花香裏聽潺湲。路入高原犢草閑。生長太平無所用，且
隨殘照看秋山。

小齋獨坐

老蘇朱墨十分工。應笑林間遠世蹤。翠樹玄蟬秋滿院，更

添何處一聲鐘。

初春

年華來去野梅識。春意淺深沙柳知。偶到前村閑指點，數
峰殘雪淡晴時。

雨中遣興

萬壑千崖夢寐寥。飛淙落澗夜蕭蕭。覺來忽聽兒童說，昨
日榕陰有石橋。

來時榴樹絳雲遮。今見盃盃墜顆斜。莫待鏡中頭盡白，閑
情都付粵東花。

雙魚容易託飛郵。潮水無情上劔州。占得千峯深處住，門

前溪水更西流

聽雨

山家祇隔面前山，慣得書題不往還。
秋色定隨連夜雨，幽花細草滿西澗。

題雲烟疊嶂圖

古木蒼山定有村，千峯猶帶雨餘雲。
逢人卻問橋東事，林外飛流壯幾分。

題錢舜舉小景

綠樹深、波渺、書樓高映碧峰寒。
柴門掃就無人到，未必能令帝畫看。

題觀瀾圖

三間茅屋下書帷，喬木森森密蔭垂。
萬壑千岩人不到，靜看山下出泉時。

題曾祖說詩集

貫珠編玉築寒窗，紅燭搖花省漏長。
斷鴈繞雲飛不下，數聲瑤瑟起瀟湘。

豐城道中

一洲烟氣一洲寒，沙尾飛鷗勝我閑。
前日西山今不見，雲來猶自想西山。

雪中戲成

我是天仙第一流水晶帆跨玉龍遊千岩萬壑冰壺秉神
觀清明得自由

題瀟湘秋色圖

瑤瑟無聲水自流黃蘆黃葉滿汀洲蘋花欲採無尋處一
片閑情萬古愁

穆山二絕

一陂凝綠倒垂天直上層峰積翠邊迢遞烟雲三百曲水
聲徐出石門前

老木懸寒徑撮峭山風刺水蕭綠源不記梅栽處忽
遇微風在石橋

客來

綠樹陰邊翡翠飛笑迎佳客坐書帷井華汲就茶烟發看
罷數峰秋雨時

維揚道中三絕

淮天如水、如秋葉、漁郎下釣舟北畔荷花南畔柳殷
勤送我到揚州
香霏滿棹渡長溝濃着秋光淺着愁日暮女郎清唱發鴛
鴦斜拂柳邊洲

聚柳成村水數淵鷗分起棹歌還今宵繫纜知何處好
在紅菱紫蓼間

無題

玉雪容華翡翠衣
帽青貼領髮雲飛
共郎急趁斜陽渡
不惜黃沙走馬歸

邗溝

衰柳殘荷併慘然
青山隔岸弄婵娟
多情惟有邗溝水
長送江南過客船

見梅花

冰合金河雪暗閑
內家難覓一枝寒
祇應獨結梅花伴
水

遠山長信意看

微雨

一天微雨濕芳塵
紅綠相依幾聚春
家在海棠花下住
傷心長是未歸人

放船

晚色重、放客舟
輕風吹漾落潮流
林巒盡異來時路
知是明朝到福州

本林堂莆陽歌五絕

兩三筠籃溫暖烟
窄衫短鬢裊行肩
到門迎着郎來早
待向街頭賣海鮮
慣得驕驄識妾家
佛桑庭院繡簾斜
鏤銀合子擯榔片
戲噴猩紅散唾花

天妃廟前斜日時女郎歌斷綵鴛飛林花滿地瓜船散城
裏官人排馬歸
烏石山前颭酒旗醉來健倒日平西蔡家石刻端明字賣
與他人作墓題
丞相堂前草暗階尚書池上樹生臺子魚風起秋無格記
得誰家甲第開

題陳舜卿龍卷

妙舞當年色藝精吳宮宴罷夢難醒早知畫得龍千卷留
與閑人記草亭

舜卿名俞丙辰進士草亭其自号

送人遊玉笥山

尺尺蕭仙玉笥家水香二十四溪霞携書便欲隨君去長
向雲間掃落花

黃沙道中

深淺紫烟曲塢間杉皮小屋遠幽潺紫苔青石梅花路隨
處閑看雪後山

山行隨興

暖風吹雨濕平沙遠色疑青草欲芽誰是多情能愛我野
樵一路臘前花

金石臺前鴉亂飛空濛山影出陰霏野塘水活柳生眼茅
舍聚人迎婦歸

清江道間阻雨

峰影微昏樹影明
人烟深淺水縱橫
前時逢雪今逢雨
長在江南畫裏行

陵雲山房雪中

山寺孤鐘撼曉殘
西窗、外玉珊、開門忘却階前石
驚問何人疊雪山

萬頃寒輝貫碧霄
一林清響落餘飈
梅花開就歸時路
莫待前山雪盡消

新塗藍步溪

陰靄通烟翠
作霏春風入
雨暖成泥
女郎挑菜不知濕
調

笑相携過水西

無題

喜遇佳期未有期
魯陽不見下春時
春風好長江南樹
長與閑人惜子規

西風

苦蓼花開錦換洲
野夫容發艷通流
東風即是西風骨
莫向西風誤作愁

喜雨

花事安排趁好晴
沙膏新換牡丹坪
明年何處看花客
一夜東窓喜雨聲

題墨菊

橘枳蘭芽玉易瑕商山一出便忘家
幾回惆悵梅花別併有緇塵到菊花

見棟花開

綠光深淺上窓紗
矻矻鷹書髮已華
年譜他時誰記取
一株紅棟兩年花

酬友人見訪不過

荷笠深山採藥回
荆扉石徑損秋苔
花邊稚子相迎說
昨日有人騎馬來

題趙太祖太宗蹴鞠圖

共戲笙歌聒處春
他時甘作墜雲身
一丸明月樓頭

山人解誤人

荷花

曲沼夫容映竹嘉
綠紅相倚擁雲霞
生來不得東風力
終作薰風第一花

立春近夜雨連旦

梅花天氣夜尤清
得還鄉夢不成知
是新春隨雨到四
窓飛雨作春聲

除夜自封溪歸高淵五首

柳辟殘臍甚初垂
麥長平沙綠轉肥
寒日漸溫風漸軟
隨

山隨水看梅歸
歸人元自少歸情不計程期且緩行沙步酒旂村鼓亂連
林鳥雀盡惟聲

鴛鴦翻雨戲迴溪路迢迢濕翠圍隔竹杏花紅萬點何
因知我此時歸

鬢鴉橋北試春衣濃粉深脂閣畫眉板閣磚爐相聚處欣
然說着看燈時

蟻旋西礪轉東源竹掩松遮又幾村家在江南幽絕處千
峰帶雪繞柴門

豫撞登舟作

城南無樹識神仙閑往閑來四十年西岸青山東岸塔為
誰相對老秋烟

象牙潭

水禽兩三樹三三近浦遙峰隔嫩嵐新換一天秋色別短
蓬又過象牙潭

絕句

芝谷山前日荷鋤柴門生事轉蕭疎放翁老去直堪笑猶
向人前說讀書

春風

杏花紅度海棠紅綠展平沙拂嫩茸共愛春風猶是舊誰

知不是舊春風

自笑

世情多識事多語長對雲山共笑談
蒼石采芝隨意足
君莫唱望江南

豐城道中

江村南北笑聲頻紅燭花時次第新
春水漸生桃葉渡小舟時載嫁婦人

曲江灣處小瀟湘磯柳疎垂鴈落行暫係
一蓬寒淥裏數聲清響夜鳴榔

嘉慶己卯四月下澣黃廷鑑借讀并鈔藏



